

Ultimo simannan pa inscribi pa e curso preparatorio Rietveld

ORANJESTAD - Esaki ta e delaster simannan di inscripcion pa e Curso Preparatorio Arte Visual y Diseño di Rietveld. Departamento di Cultura kier a recorda tur esnan cu ta interesa y cu ta cumpli cu e rekisitonan pa inscribi na ora pa asina por haya e tareanan pa traha di adelanta. Mester presenta cu e tareanan riba dia di combersacion di admision.

CREATIVE INDUSTRY

Mirando cu Aruba tambe ta trahando riba locual ta ser yama 'Creative Industry', esaki ta un oportunidad unico pa e hoben prepara su mes pa sigui un estudio riba nivel di HBO den e ramo di arte visual y diseño. E estudiante lo haya un miho bista den e forma di duna les na un academia di arte y lo siña traha mas independiente di locual ta custuma na Aruba. Durante e periodo aki e estudiante lo traha un portfolio solido y amplio den diferente disciplina.

PREPARACION DI 30 DIA DI CURSO

E programa lo consisti di tres topico y teoria. Durante e 30 siman di curso e docentenan lo prepara y yuda e estudiante traha un portfolio amplio y di calidad. E lesnan lo toca diferente disciplina di arte visual y diseño, por ehempel; fotografia, sketsmento, pintamento, moda, video y mucho mas. Tur e lesnan lo ser duna den Ingles.

PRONTO ESTUDIO RIBA NIVEL DI HBO NA ARUBA MES

E estudiante cu caba e curso preparatorio cu exito tin su luga segura den e prome aña di e prestigioso academia di arte na Hulanda, Gerrit Rietveld Academie Amsterdam. Pa esnan cu kier keda mas cerca di cas, na 2013 lo cuminsa cu e estudio riba nivel di HBO na Aruba mes.

DIANAN DI LES

E aña escolar lo cuminsa, contando cu suficiente inscripcion, den e luna di november. E lesnan lo tuma



luga riba diamars, diaranson y diahuebs di 3:30 pa 6:30 di atardi. Pa por drenta e curso preparatorio mester pasa un procedura di admision cu ta sosode pa medio di un combersacion y demonstracion di trabou-

nan propio y tarea pa haci na cas. Candidatonan mester tin por lo menos un diploma di HAVO, VWO, MBO4 of comparabel.

COSTONAN

Costonan pa e curso preparatorio ta AWG 1200 pa

studentenan di Aruba. Pa studentenan di Hulanda e ta costa €1728 y pa studentenan di Merca y region e ta costa \$1200. Esaki ta inclui material.

ADMISION

E procedura di admisionnan lo tuma luga tanto na Aruba como na Hulanda. E fechanan ta lo siguiente: Departamento di Cultura Aruba: Diabierna 24 di augustus 2012

Dialuna 27 di augustus 2012 Gerrit Rietveld Academie Amsterdam:

Diabierna 11 di juni 2012

Dialuna 3 di september 2012

INSCRIPCION

Subi riba www.cultura.aw y download e formulario di inscripcion y mand'e hunto cu dos pasfoto y un copia di paspoort na: Departamento di Cultura Aruba T.a.v. Julienne Paskel J.E. Irausquinplein 2a Pa mas informacion por yama na DCA: 582-2185 of mail na juliennepaskel@cultura.aw. □